

**2019**  
**CLASS-IX**  
**SUMI (SÜ TSAH)**

Total marks : 80

Time : 3 hours

**General instructions:**

- i) *Approximately 15 minutes is allotted to read the question paper and revise the answers.*
- ii) *The question paper consists of 22 questions. All questions are compulsory.*
- iii) *Internal choice has been provided in some questions.*
- iv) *Marks allocated to every question are indicated against it.*

**N.B:** *Check that all pages of the question paper is complete as indicated on the top left side.*

**AMQO – A (Ghili Kiye)**

**1. Yepua keu phiju no injü akeqo khochile tsülo:**

Alhou no abothu lo Ayeghi lhosü kelono jukivi shi apenike axamunu, asütsüni jeli ayeghiqha nhachi lhosü tsü. Tipau gholo tüghashi tikhishi jeli kikhikhakümla shi aghasaqha lo ahukülüshi lhosü tsüke. Timi pelo tipaqo shou ampeu shino Pa kikimiye ghili ithi, eno ajukuvü shitsü penike, Pa kimihhi lono lhosüke. Ikemu, Timi no agho apulou eno alotsü shi xüuve no, Alhou no lhosütsü keqo akighipi shi peitha nike züqhu lo kilheküza keu lono thwokha laghi lo püqümüye keu ighiniye shiakeu ayeghiqha lo, akighithimi, alokütsümi, ayekipemi, alokümsümi vechewo kutokughoi moayesa keu ghutu kile eno hakutho auvea.

Tüghashi akichiu no asütsüni jeli eno axathi pithi keu chu, pano küghütshü a eno akungo a shicheni. Ti ghenguno, asübo khijehi kütsa momu thaqhive ani keno, tipaqo küghütshü a, akungo a, eno cukepu kümghüve keu ghengu no a-a iqesü wuve cheni. Tishi keu vechewo timi no asütsüqo kütsave, thaqhive no shosümo keu lono tüghashi jeli qono chu, momu mighive no baqhi keu lono asütsüni jeli lhoipeghi chekeu ghi kimkheve ani. Itehi kutolo timi no pighi chekeu lhoxü jeli gholo, saje 30 ye kühamitheve nikeu lo ani. Kughengu lhoxü jeli 6(tsügho) ye aqhi kümtsü lo kühamitheve nikeu gholah lo cheni. Ayeghiqha lo atsüni saje 75 lhoxü jeli no chukulupu akeu 250000-300000 gholo ajeli 5 (pungu) lo saje 4 (bidi) likhino timi no chulu chekeu ipi. Ike, ti ye ajeli 150-200 likhi. Mulomomithe asüboqo thaqhi keu lono akuhu no ayeghi ghüma kivi süshope akeu azü, amulhu eno anekine lono sawuve ani. Tishi keu lono timi no tüxa-tini kivi peithalu kepu kutomo peitha mlave no püqümüye keu süchedo sholu kepu shinani ipi ani. Eno ado kushowo kumolo asütsüni mikheve keu vechewo akülü ihulo veno, akümla shini shimo, eno shimlave no akhüava lono timi qhethone no küghüsü kühave nani ipi ani.

Ishi alokütsü, eno akighithi tiqheli shiakeu lo, akithe iqiphe keu vechewo akümlau eno akiviu kükü xüluve nike iqikiphea (industries) kutomo shive no asütsüni jeli kughoko mono, shipüha kitheve akeu lono azümulhu shipüsave no küsükini jeli kihikhakümla ighive ani. Asütsüni no atuthu lhoküsa müsüsü luve no, akivi shephe keu ningu timi no shesülu keu ghenguno timi shiaji akivi shiape cheni kepi aqhano ithipe moayesa kepu shiani. Ike ti ye, akiphi a, akighithimi, sakhiphemi, aqo-aho kümtsü launo eno lüthü lokümsü hakuthotsü keu vechewou shilu nani.

Khuno cheaxü luza lo asütsüni kupukuno shi ani keno tipano ye ashi-aji kivi gholo thwokha nibonileyi keu acheni. Ti ghenguno kümtsü no asübo lakhi micheve momu thaqhive aye, tipau theli lo kini shosü nikeu pükapütsa kepue, eno tiqheli kivipu shitsü moayesae.

- |     |   |   |
|-----|---|---|
| (a) | Alhou no kiu shi penike abothu lono ayeghi lo lhosütsü kea?                   | 1 |
| (b) | Timi pelo kiu shipeni ke Pa kimhi lono lhosü kea?                             | 1 |
| (c) | Timi no kishi xüuve kea?  | 1 |
| (d) | Tüghashi tikhishi jeli ye asütsüni no panow kiu shi cheni kea?                | 1 |
| (e) | Tüghashi jeli no chu momu mighive no athi baqhi keu lono kiu shive cheni kea? | 1 |

- (f) Ado kushowo kumolo asütsüni mikheve keu vechewo kiu shiveni cheni pikea? 1  
 (g) Kiu qo launo eno khuu lokümsü vechewo tokulu shilu nani kea? 1  
 (h) Asübo lakhi micheve momu thaqhive keu theli lo kiu shikepu kea? 1  
 (i) Atsathi hiküma pidelau no yelo: 1+1=2  
 (i) Kupukuno (ii) Kilheküza

### AMQO – B (Iqikulu)

#### 2. Atsathi 100-150 dolono yelo:

- a. Yekili lakhi okusaü khu HSLC thekiju sükeu lo pa/li no tokulu shiluve keu ghenguno toshe tsü keu kiye shi yelo.

**Momu**

**6**

#### b. Ghili kiye tsasü aqhou tsüpua keuqo pesü atsa yekhove, eno yepua keu kimiji yetsülo:

*A phu lakhilo Awu pighimi – awuqu lakhi a – kükümghawu – apighiu  
 ye awukhu je lono kinimi shive – pano kümsü – alhokuthu  
 awukhu ithulu nani küghashi – awu heqhive – awukhu ithumlave.*

#### 3. Atsathi 50 dolono lakhi likhi yelo :

- a. No ye restaurant lakhi khaqi ani. No ye tipau lo akümlami phuithai eno qokiphe luve kemi avehupu shi ani. Pikülha keu kiye lakhi kiyephi lono kishekulu shi kiu kiu avehupu shi ani keno yehlo.

**Momu**

**4**

- b. No ye Akato/Avili, noye no kiphiki lo Eco Club lo akiyeu shi ani yepithi kiye lakhi kiphimiyo lau ye ghi. Plastic nhemugha peitha keu vechewo no azümlhü shipüsave akeu ghenguno yepithi lo.

### AMQO – C (Tsayeh)

#### 4. Achipiu tsathipe kümsalo süve tsülo:

- (a) Pano mushuthi \_\_\_\_\_ lakhi chukhave. 1  
 (i) Akuchopu (ii) Kümstsü  
 (iii) Kuchopu (iv) Kümstsügha
- (b) Pa ye \_\_\_\_\_ no ighi nani. 1  
 (i) Thonau (ii) Thoghiu  
 (iii) Thoghiu (iv) Ighina
- (c) Avito ngo Noto \_\_\_\_\_ ye aposhoo. 1  
 (i) Küma (ii) Kujo  
 (iii) Pama (iv) Aküsau
- (d) \_\_\_\_\_ kelo ye ala ithumla. 1  
 (i) Zümoyi (ii) Zümboyi  
 (iii) Qhizü (iv) Putho
- (e) I za ye alu lo alu \_\_\_\_\_ va. 1  
 (i) Chuu (ii) Lheu  
 (iii) Xou (iv) Liu

#### 5. Atsajo hipaqo lo aje atüghiu (subject) aje akiniu (object) hephokutsüu (predicate) kütüta shi michipheve tsülo:

- (a) Angushuu no amishih lakhi tsüva. 1  
 (b) Aluchemi no aluh mullah ani. 1

- 6. **Pighi vehu tsathi kuma pe atsajo mla lo:**
  - (a) Panonguw 1
  - (b) Atokaw 1
  
- 7. **Kikihi tsashibe kimichi tsulo?**
  - (a) Pano axathi kuchopu chukhava. 1
  - (b) Liye khanilo hile ighi cheni. 1
  
- 8. **Ngomichi achipilo süvelo:**
  - (a) Oh yeghikulu lakhi veqhivea. 1
  - (b) Akükau no pi tiye achipie. 1
  
- 9. **Hi yepüa keu lo timi atüghiu, akiniu eno aküthüu michipheve tsulo:**
  - (a) Hetovi no Apavi ghili pe Aheto vilo pi ani. 1
  - (b) Panongu no ipelo nongu kheaghilo pike. 1
  
- 10. **Sumi tsalo pekide süvelo :**
  - (a) Let us all rise up. 1
  - (b) The cow eats grass. 1
  - (c) Where are you going? 1
  - (d) The weather is very sunny today. 1
  - (e) What a great story! 1

**AMQO – D (Kichitssathoh eno Apuh Assü Leshe)**

- 11. **Achipiu tsathi pe kimeve tsulo:**
  - (a) Khumtsah papuh je ye \_\_\_\_\_. 1
    - (i) Kivighoh (ii) Thochipa
    - (iii) Itepu (iv) Chisahu
  
  - (b) \_\_\_\_\_ zughi ye azüghi lo lhoxü eno timi no peitha lu cheni. 1
    - (i) Jordan (ii) Galil
    - (iii) Akithi (iv) Akuhu
  
  - (c) Akilo azüa dape süano thive keu pesü. 1
    - (i) Ghuyi (ii) Alhoayeh
    - (iii) Müsümüvü (iv) Kukhakithi
  
  - (d) \_\_\_\_\_ ophe künü aye. 1
    - (i) Otsapi no (ii) Olephe no
    - (iii) Ochiyi Kinino (iv) Ophinhemgha no
  
  - (e) Mishi \_\_\_\_\_ hakipphe no hahye. 1
    - (i) Pungu (ii) Toku
    - (iii) Chighi (iv) Tsuni

**Atsahthi 20 – 25 dolono khochilelo:**

- 12. Aesopw küghakiche akhotoshi kügha chekeu no no ithi keu hami pitsü lo. 2
  
- 13. Mucholani tsala lo apuh-asü qoye aluh lo kishi axaboqo putsache kea? 2
  
- 14. Baibel kiqi lo khuu paghino chighi lo sajuh lakhi pesü Alhou mülla kea? Hiye khuu zakütsüh kea? 1+1=2

15. Atsathi hipaqa akiqi tsulo: 1+1=2  
(a) Kichellapumi  
(b) Süthauva

16. Akiqi pitsülo: 1+1=2  
(a) Mujupumi  
(b) Pinizü amüzümüla

17. *Ni ye nokho puwumo ni aye,  
Alah chighi pesü no xaluni ighi,  
Tüghami no kipishi ye shimlayewo.*  
Leshe hipau hepho tsülo. 2

**Atsahthi 40 – 50 dolono khochilelo :**

18. a. Aesop ye itti lo kiu toi kemi timi kea eno paye amili kütsumi ikemu kiu ghenguno athiu ye thai atsah piluve kea. 4  
**Momu**  
b. Alhukho kiqi ye kiu kea? Kishi pekili cheni keno yelo.

19. **Iniju akeu kiqi lono khochile lo.**  
*Ishe! Ile anga qah küauye  
Amllo küsami nuli,  
Ilomucho chi jo otsüni,  
Süwo amullo küsami nu pinihlo.*  
(a) Anga khuu qa ani kea? 1  
(b) Kushiye amllo küsa shiani kea? 1  
(c) Ilomucho chi jo otsüni ye kiu pi ani kea? 1  
(d) Kiu süwo khuu pinihlo piani kea? 1

**Atsahthi 60 - 90 dolono khochilelo :**

20. a. Kughato ngo Phizo pama no M.K. Gandhi sasü kusho no küpütsa keu ghili kishkekului yehlo. 5  
**Momu**  
b. *Tishiwo kuchou no Pitheli ye kipitimi punnuve keu sütsa chiluno itepu ye awudu lakhi kügha pesü pütsawu. Eno pono “Hauu, hino Kapo küsa shiniana hiwo” ipiniye kelauye “Hauu, hino Kapo küsah shiniana hiwo” ipi tügha tsah lo pisüve pi. Eno anu je “KHUMUTSAH” ipi kuve tsü.*  
(i) Itepu ye kuu sütsa chilu eno kiu pe pütsawu kea? (1)  
(ii) Kishi piniye kelo no kishi tügha tsah lo pisüve kea? (1)  
(iii) Kiu heqhi no anu je kutsü eno khuu kutsü kea? (1)  
(iv) Kiu ghenguno Khumutsah ipi kutsü kea? (1)  
(v) Tithiu Khumutsah ngo pa za Pitheli pama ye kishive kea? (1)

21. a. *Ale shiye timi no shi shikikilhemi  
Lokütsümi ye kucho ano ghighi kuhu lono  
Anhi natho nu jumtha aye.*  
(i) Ale shiye timi no shi hiye kiu pih ani kea? 1  
(ii) Shikikilhemi lokütsümi khuu vilo pih ani kea? 1  
(iii) Kucho anoghi shi kuhu lo kiu pih ani kea? 1  
(iv) Anhi natho nu jumtha aye hiye kiushi ve kea? 1  
(v) Leshe hiye khuno phe kea? 1

**Momu**

- b.** *Akiu aghümi ye wo pihu ghi ye,  
Kucho iphi kidi pesu,  
Aghapeli veche pe woghi ye,  
Kucho axeu no thi ani ye pilo.*
- (i) Atsajo hipau ye kiu leshe lo ani kea? (1)
  - (ii) Aghapeli kiqu pitsulo. (1)
  - (iii) Axeu ye kiu pi ani kea? (1)
  - (iv) Atsajo hipau hepho tsulo. (2)

22. *Ochiyi kinino ophe kupu aye,  
Oza ghi iza sütsa kighini lo,  
Oza nno nomishi toku khu,  
Iza nno züpzütsü aye.*
- (i) Ochiyi kinino ipi akeu ye kiu pih ani kea? 1
  - (ii) Atsajo hiye khu no leshe lo ani kea? Eno tipau kiqu yeh tsulo. 1+1=2
  - (iii) Kishi azüpüzü vetsu kea. 2

\*\*\*\*\*